

佛說頂生王因緣經

# 佛說頂生王因緣經

宋西天三藏朝奉大夫試光祿卿傳法大師施護等奉 詔譯



佛說頂生王因緣經卷第一第二第  
三同卷之二

宋襄三藏朝舉大夫試光祿卿傳法大師施護等奉詔譯

佛世尊一時在舍衛國祇樹給孤獨園時憍薩羅國主勝軍大王來詣佛所到已頭面禮世尊足退坐一面白佛言世尊往昔爲求阿

釋多羅三藐三菩提時云何行施作諸福行  
佛言大王且止過去火遠劫事我念於此賢  
劫之中求阿釋多羅三藐三菩提時修布施  
行其事因緣汝當諦聽極善作意今爲汝說  
大王此劫初時人壽無量歲爾時有王名布  
沙陀其王頂上忽爾肉生如炮而軟如兜羅  
綿又如細氈亦無痛惱彼成熟已自然開裂  
生一童子最上色相端正可觀身如金色頭  
有旋文猶如妙蓋雙臂膚長額廣平正眉復  
延袤鼻高脩直身分上下皆悉具足有三十



清刻龍藏佛說法變相圖

二大丈夫相莊嚴其身童子生已乃入宮中王有六萬宮女眷屬見此童子乳自盈流各作是言我養太子由是立名呼爲我養或有說言今此太子從頂上生應名頂生由是乃有呼頂生者或號我養者時頂生太子在童子位嬉戲娛樂經六帝釋滅在太子位復經六帝釋滅太子一時出於王宮人民肆里次第遊觀乃至後時布沙陀王而忽寢疾侍臣奉以華果根苗藥餌治療雖復勤力疾無瘳損其王即勑諸臣佐言汝等速爲太子授王灌頂臣佐受命即遣使人詣太子所謂太子言父王寢疾拯療無損呼命太子今可速來授王灌頂使届中途王身已謝是時臣佐復遣使人接踵而進謂太子言父王已逝太子速來授王灌頂時頂生太子即自惟忖父王

已逝奔往何及時諸臣佐衆議一人近侍大臣詣太子所白言太子願速來此授王灌頂太子答言若我應統正法王位彼當來此爲我灌頂近臣復言太子授灌頂者多有法儀詣應施設寶獅子座繒蓋寶冠是等所須此何能備禮法又合於王城中作灌頂事是故太子宜往宮中授王灌頂太子答言若我應統正法王位一切所須今應自至時頂生太子有一導翼夜叉神名稱舞迦即運神力追獅子座繒蓋寶冠一切所須乃至城邑聚落皆悉置於太子之前一切覩者恆未曾有然後臣佐人民及勝力兵衆等持妙繒帛依灌頂法欲爲太子授其灌頂作是白言太子應授灌頂時太子言我今何用人間繒帛爲灌頂法繫於我頂若我應統正法王位必有天

妙繒帛而爲繫頂乃至其後自然天降殊妙  
繒帛爲灌頂事統輪王位即有七寶隨時出  
現所謂輪寶象寶馬寶摩尼珠寶玉女寶主  
藏神寶主兵神寶如是七寶皆悉具足及有  
千子最上色相勇猛無畏能伏他軍彼時有  
城亦號廣嚴城中周帀皆有稠密樹林人所  
愛樂於其林中有五百仙人棲止修習五神  
通定是時林間多諸飛鳥鶯鶯等類鳴噪喧  
煩妨所脩定中一仙人名曰醜面生恚怒心  
即以呪句呪鷺羣悉折其羽是時折羽鷺  
鷺循地徐進咸詣頂生王門王方出行適觀  
門左乃問近臣言何故此鷺羣咸聚門側  
近臣答言天子羣鳥棲林噪驚禪定仙人恚  
怒呪折其羽循地而來聚於王門王言此等  
仙人何故於衆生中心無悲愍今宜勅遣彼

等仙衆速離我境臣佐奉命於仙人所具宣  
王勅時諸仙衆即起是念今此大王統四大  
洲最極自在我宜從命徃須彌山側棲止林  
間爾時頂生王漸次思惟觀察稱量人間所  
宜種種事業隨所思惟觀察稱量已各各發  
起人間所有種類事業其王出行初見人間  
耕植田里見已乃問諸侍臣言此人所作名  
爲何等臣白王言天子此人耕耨其田植諸  
種子隨所滋長而爲活命王言我爲聖王何  
假人間耕植滋養自有天中種子生成彼頂  
生王纔言念時有二十七類種子自天而降  
其王即問諸人衆言此由何人福力所致人  
衆答言此由天子福力亦兼我等復次彼王  
漸行又見農人種蒔麌衣種子見已乃問諸  
近臣言此人所作名爲何等臣白王言天子

此人種蒔氍華樹種結實取綿可成氍衣王言我爲聖王何假人間植氍衣種自有天中妙氍種子纔言念時妙氍衣種自天而降其王即問諸人衆言此由何人福力所致人衆答言此由天子福力亦兼我等復次彼王漸行又見農人紡氍衣線見已乃問諸近臣言此人所作名爲何等臣白王言天子此人取綿紡線將成氍段王言我爲聖王何假人間如是造作自有天中妙氍所用纔言念時妙氍衣線自天而降其王即問諸人衆言此由

<sup>(之二)</sup>何人福力所致諸人衆言此由天子福力亦

<sup>(四)</sup>兼我等復次彼王漸行又見農人次第織氍衣段見已乃問諸近臣言此人所作名爲何等臣白王言天子此人布設機杼織氍衣段王言我爲聖王何假人間氍衣被身自有天

中妙氍衣飾纔言念時上妙氍衣自天而降其王即問諸人衆言此由何人福力所致諸人衆言此由天子福力亦兼我等爾時頂生王見是事已乃起思念我之福力今於此間未能顯發我已統治須彌山南外大海中此

瞻部洲其內廣闊外如車形人民熾盛安隱豐樂又復國土城邑嚴麗所居人衆妙色可觀我有七寶所謂輪寶象寶馬寶摩尼珠寶玉女寶主藏神寶主兵神寶如是七寶皆悉具足及有千子最上色相勇猛無畏能伏他軍若我有勝力者快哉今時願我宮中雨金錢七日乃至不使一錢墮於宮外王纔念時即於宮中天雨金錢數滿七日無一金錢墮於宮外隨其所作善根福力神通威德自受福果其王即問諸人衆言此由何人福力所

致諸人衆言天子福力王言如汝向說兼汝等力何故今時天不雨金滿瞻部洲使一切人民隨所欲者悉能取之故知汝等宿因微渺佛言大王彼頂生王正法治世又經六帝釋滅復次頂生王謂導翼夜叉神稱舞迦言何處別有大洲爲我所統稱舞迦答須彌山東外大海中彼有大洲名曰勝身其內廣闊外如半月人民熾盛安隱豐樂又復國土城邑嚴麗所居人衆妙色可觀王應往彼隨宜化導時頂生王即自思惟我已統治此瞻部洲又有七寶千子圍繞宮中又雨金錢七日我又復聞須彌山東外大海中有勝身洲我今往彼而爲化導王纔念時舉身空中與十八俱胝中與十八俱胝勝力兵衆及千子圍繞七寶導從剎那即到東勝身洲大王彼頂生王於

其洲中治化人民多百千歲隨彼衆生各各所作福行善力神通威德自受福果如是又經六帝釋滅復次頂生王謂導翼夜叉神稱舞迦言何處別有大洲爲我所統稱舞迦答言天子須彌山西外大海中彼有大洲名曰牛貨內外周徧其相圓滿人民熾盛安隱豐樂又復國土城邑嚴麗所居人衆妙色可觀王應往彼隨宜化導時頂生王即自思惟我已統治彼瞻部洲七寶千子及雨金錢我復至此東勝身洲治化人民多百千歲今又復聞須彌山西外大海中有牛貨洲我今往彼而爲化導王纔念時舉身空中與十八俱胝勝力兵衆及千子圍繞七寶導從剎那即到西牛貨洲大王彼頂生王於其洲中治化人民多百千歲隨彼衆生各各所作福行善力

神通威德自受福果如是又經六帝釋滅復次頂生王謂導翼夜叉神稱舞迦言何處別有大洲爲我所統稱舞迦答言天子須彌山北外大海中彼有大洲名曰俱盧內外周徧其相四方人民熾盛安隱豐樂又復國土城邑嚴麗所居人衆妙色可觀又彼洲人無我繫著無所攝屬王應往彼隨宜化導時頂生王即自思惟我已統治彼瞻部洲七寶千子及兩金錢又往東勝身洲而復至此西牛貨洲治化人民多百千歲今又復聞須彌山北外大海中有俱盧洲我今往彼而爲化導王纔念時舉身空中與十八俱胝勝力兵衆及千子圍繞七寶導從往詣北俱盧洲剎那即到須彌山側其王遙見彼地白色見已即問夜叉神稱舞迦言今此方處何故地白稱舞

迦答言天子此是北俱盧洲人所食香稻其狀白色香味具足不假耕植自然而生稻長四指無芒無秕清淨潔白依時成熟彼洲人民不施其力取以食之王今往彼亦取香稻而爲其食時王聞已謂臣佐言汝等見此地白色不臣白王言唯然已見王言此是北俱盧洲人所食香稻其狀白色香味具足不假耕植自然而生稻長四指無芒無秕清淨潔白依時成熟彼洲人民不施其力取以食之汝等往彼亦取香稻而爲其食時頂生王又於須彌山北遙見衆華嚴樹圓無缺減殊妙可觀即問稱舞迦言此是何等衆莊嚴樹称舞迦答言天子此是北俱盧洲人民所有四種劫波衣樹謂青黃赤白其樹所出四色妙衣彼洲人民若男若女須其衣者纔起心時

即彼樹枝自然低垂恣其所取王今往彼亦被其衣時王聞已謂臣佐言汝等見此衆莊嚴樹圓無缺減不臣白王言唯然已見王言此是北俱盧洲人民所有四種劫波衣樹謂青黃赤白其樹所出四色妙衣彼洲人民若男若女思其衣者纔起心時即彼樹枝自然低垂恣其所取汝等往彼亦被其衣大王彼頂生王於北俱盧洲治化人民多百千歲隨彼衆生各各所作福行善力神通威德自受福果如是又經六帝釋滅復次頂生王謂導翼夜叉神祢舞迦言別有方處爲我統不称舞迦答言天子無別方處爲王所統有三十三天長壽色相多諸快樂高廣樓閣久固安居快哉天子宜往觀瞻時頂生王即自思惟我已統治彼瞻部洲七寶千子及雨金錢又

徃東勝身洲西牛貨洲今又至此北俱盧洲復聞有彼三十三天長壽色相多諸快樂高廣樓閣久固安居我今宜應徃彼觀瞻王纔念時舉身空中與十八俱胝勝力兵衆及千子圍繞七寶導從徃須彌山外七重金山其王初至你民達囉山其山嚴麗殊妙可觀純金所成彼有四大王天諸天子衆徃復其間王以勝力兵衆於彼化導又經六帝釋滅次至尾那怛計山其山嚴麗殊妙可觀純金所成彼有四大王天諸天子衆徃復其間王以勝力兵衆於彼化導又經六帝釋滅次至馬耳山其山嚴麗殊妙可觀純金所成彼有四大王天諸天子衆徃復其間王以勝力兵衆於彼化導又經六帝釋滅次至善見山其山嚴麗殊妙可觀純金所成彼有四大王天諸

天子衆往復其間王以勝力兵衆於彼化導  
又經六帝釋滅次至佢祢囉迦山其山嚴麗  
殊妙可觀純金所成彼有四大王天諸天子  
衆往復其間王以勝力兵衆於彼化導又經  
六帝釋滅次至持軸山其山嚴麗殊妙可觀

純金所成彼有四大王天諸天子衆往復其  
間王以勝力兵衆於彼化導又經六帝釋滅

佛說頂生王因緣經卷第一

之二

九